



UNDANG-UNDANG MALAYSIA

Akta A1101

**AKTA PENGANGKUTAN JALAN
(PINDAAN) 2001**

Tarikh Persetujuan Diraja ... 13 Jun 2001

Tarikh diterbitkan dalam *Warta* ... 28 Jun 2001

Hakcipta Pencetak (H)

PERCETAKAN NASIONAL MALAYSIA BERHAD

Semua Hak Terpelihara. Tiada mana-mana bahagian jua daripada penerbitan ini boleh diterbitkan semula atau disimpan di dalam bentuk yang boleh diperolehi semula atau disiarkan dalam sebarang bentuk dengan apa jua cara elektronik, mekanikal, fotokopi, rakaman dan/atau sebaliknya tanpa mendapat izin daripada Percetakan Nasional Malaysia Berhad (Pencetak kepada Kerajaan Malaysia yang dilantik).

UNDANG-UNDANG MALAYSIA**Akta A1101****AKTA PENGANGKUTAN JALAN
(PINDAAN) 2001**

Suatu Akta untuk meminda Akta Pengangkutan Jalan 1987.

[. . .]

DIPERBUAT oleh Parlimen Malaysia seperti yang berikut:

Tajuk ringkas dan permulaan kuat kuasa

1. (1) Akta ini bolehlah dinamakan Akta Pengangkutan Jalan (Pindaan) 2001.

(2) Akta ini mula berkuat kuasa pada tarikh yang ditetapkan oleh Menteri melalui pemberitahuan dalam *Warta*, dan Menteri boleh menetapkan tarikh yang berlainan bagi peruntukan yang berlainan dalam Akta ini.

Pindaan seksyen 2

2. Akta Pengangkutan Jalan 1987 [*Akta 333*], yang disebut “Akta ibu” dalam Akta ini, dipinda dalam seksyen 2 dengan menggantikan takrif “pendaftar berlesen” dengan takrif yang berikut:

‘ “pendaftar berlesen” ertinya seseorang yang dilesenkan atau diberi kuasa di bawah seksyen 126;’.

Pindaan seksyen 10

3. Subseksyen 10(2) Akta ibu dipinda—

(a) dengan menggantikan perkataan “Pengarah” dengan perkataan “pendaftar berlesen”; dan

(b) dalam teks bahasa kebangsaan, dengan menggantikan perkataan “benarkan” dengan perkataan “diberi kuasa”.

Pindaan seksyen 12

4. Subseksyen 12(2) Akta ibu dipinda dalam teks bahasa Inggeris dengan menggantikan perkataan "Director" dengan perkataan "licensed registrar".

Pindaan seksyen 17

5. Seksyen 17 Akta ibu dipinda dalam nota birai dengan menggantikan perkataan "Pengarah" dengan perkataan "Pendaftar berlesen".

Pindaan seksyen 27

6. Seksyen 27 Akta ibu dipinda—

- (a) dalam subseksyen (1), dengan menggantikan perkataan "Pengarah sesuatu kawasan pendaftaran" dengan perkataan "pendaftar berlesen";
- (b) dalam subseksyen (2), dengan memotong perkataan "apabila dibayar fee yang ditetapkan,"; dan
- (c) dengan memasukkan selepas subseksyen (6) subseksyen yang berikut:

“(6A) Apabila suatu lesen memandu diberikan oleh Pengarah, pendaftar berlesen hendaklah mengeluarkan lesen memandu dalam bentuk yang ditetapkan kepada pemohon apabila dibayar fi yang ditetapkan.”.

Pindaan seksyen 29

7. Seksyen 29 Akta ibu dipinda dengan menggantikan subseksyen (3) dengan subseksyen yang berikut:

“(3) Sesuatu lesen belajar memandu yang diberikan di bawah subseksyen (2) hendaklah dikeluarkan oleh pendaftar berlesen dalam bentuk yang ditetapkan, tertakluk kepada syarat-syarat yang ditetapkan dan adalah sah selama tempoh yang ditetapkan.”.

Pindaan seksyen 30

8. Seksyen 30 Akta ibu dipinda—

- (a) dalam subseksyen (3), dengan menggantikan perkataan “Pengarah untuk pembatalan” dengan perkataan “pendaftar berlesen yang hendaklah membatalkan lesen memandu itu jika diarahkan sedemikian oleh Pengarah”; dan
- (b) dalam subseksyen (4), dengan menggantikan perkataan “Pengarah untuk pembatalan” dengan perkataan “pendaftar berlesen yang hendaklah membatalkan lesen memandu itu jika diarahkan sedemikian oleh Pengarah”.

Pindaan seksyen 34

9. Seksyen 34 Akta ibu dipinda—

- (a) dalam subseksyen (6)—
 - (i) dengan memasukkan selepas perkataan “supaya diendorskan pada lesen memandu, hendaklah” perkataan “mengarahkan pendaftar berlesen supaya membuat pengendorsan sedemikian pada lesen itu dan pendaftar berlesen itu hendaklah selepas itu”; dan
 - (ii) dengan memasukkan selepas perkataan “selepas membuat pengendorsan atau” perkataan “Pengarah hendaklah”; dan
- (b) dalam subseksyen (7), dengan memasukkan selepas perkataan “selepas menerima lesen itu,” perkataan “mengarahkan pendaftar berlesen supaya”.

Seksyen baru 34A

10. Akta ibu dipinda dengan memasukkan selepas seksyen 34 seksyen yang berikut:

“Pengendor-
san jika
lesen
memandu
terkandung
dalam kad
atau
peranti
elektronik
pelbagai
guna.
34A. (1) Walau apa pun seksyen 34, jika sesuatu mahkamah memerintahkan butir-butir mengenai apa-apa sabitan atau mengenai apa-apa kehilangan kelayakan yang kepadanya orang yang disabitkan itu tertakluk diendorskan pada mana-mana lesen memandu yang dipegang oleh orang itu dan lesen memandu itu terkandung di dalam kad atau peranti elektronik pelbagai guna, maka

pengendorsan itu hendaklah disifatkan telah dibuat jika butir-butir yang dikehendaki supaya diendorskan pada lesen memandu itu telah dimasukkan ke dalam pangkalan data yang disenggarakan oleh atau bagi pihak Ketua Pengarah mengenai lesen memandu yang diberikan di bawah Akta ini dan pemegang lesen memandu itu.

(2) Walau apa pun subseksyen (1), Pengarah boleh mengarahkan orang yang disabitkan yang disebut dalam subseksyen (1) supaya menyerahkan, dalam tempoh yang ditentukan oleh Pengarah, kad atau peranti elektronik pelbagai guna yang di dalamnya lesen memandu itu terkandung kepada Pengarah itu, atau kepada seorang pegawai pengangkutan jalan yang diberi kuasa secara bertulis bagi maksud itu oleh Ketua Pengarah, untuk dimasukkan ke dalam data yang tersimpan di dalam kad atau peranti itu butir-butir mengenai sabitan atau kehilangan kelayakan orang itu dan Pengarah atau pegawai yang diberi kuasa itu hendaklah, selepas membuat pemasukan itu, dengan serta-merta mengembalikan kad atau peranti itu kepada orang itu.”.

Pindaan seksyen 35A

11. Subseksyen 35A(5) Akta ibu dipinda dengan menggantikan perkataan “dibatalkan dan dihilangkan” dengan perkataan “dibatalkan hilang”.

Pindaan seksyen 36

12. Seksyen 36 Akta ibu dipinda dengan memasukkan selepas subseksyen (4) subseksyen yang berikut:

“(4A) Subseksyen (3) dan peruntukan subseksyen (4) yang berhubungan dengan penyerahan sesuatu lesen memandu yang ditahan di bawah subseksyen (3) tidaklah terpakai bagi lesen memandu yang terkandung di dalam kad atau peranti elektronik pelbagai guna.”.

Pindaan seksyen 38

13. Seksyen 38 Akta ibu dipinda—

- (a) dalam subseksyen (1), dengan memotong perkataan “dan untuk disimpan olehnya”; dan
- (b) dengan memasukkan selepas subseksyen (3) subseksyen yang berikut:

“(3A) Peruntukan subseksyen (1), (2) dan (3) yang berhubungan dengan penyerahan sesuatu lesen memandu yang telah digantung tidaklah terpakai bagi lesen memandu yang terkandung di dalam kad atau peranti elektronik pelbagai guna.”.

Pindaan seksyen 41

14. Seksyen 41 Akta ibu dipinda dengan memasukkan selepas subseksyen (5) subseksyen yang berikut:

“(5A) Jika lesen memandu orang yang disebut dalam subseksyen (5) terkandung di dalam kad atau peranti elektronik pelbagai guna, perintah mahkamah di bawah subseksyen itu hendaklah disifatkan telah dipatuhi jika butir-butir perintah itu telah dimasukkan ke dalam pangkalan data yang disenggarakan oleh atau bagi pihak Ketua Pengarah mengenai lesen memandu yang diberikan di bawah Akta ini dan pemegang lesen memandu itu.

(5B) Walau apa pun subseksyen (5A), Pengarah boleh mengarahkan orang yang disebut dalam subseksyen (5) supaya menyerahkan, dalam tempoh yang ditentukan oleh Pengarah, kad atau peranti elektronik pelbagai guna yang di dalamnya lesen memandu itu terkandung kepada Pengarah itu, atau kepada seorang pegawai pengangkutan jalan yang diberi kuasa secara bertulis bagi maksud itu oleh Ketua Pengarah, untuk dimasukkan ke dalam data yang tersimpan di dalam kad atau peranti itu butir-butir perintah yang dibuat oleh mahkamah di bawah subseksyen (5), dan Pengarah atau pegawai yang diberi kuasa itu hendaklah, selepas membuat pemasukan itu, dengan sertamerta mengembalikan kad atau peranti itu kepada orang itu.”.

Pindaan seksyen 44

15. Seksyen 44 Akta ibu dipinda dengan memasukkan selepas subseksyen (5) subseksyen yang berikut:

“(5A) Jika lesen memandu orang yang disebut dalam subseksyen (5) itu terkandung di dalam kad atau peranti elektronik pelbagai guna, perintah mahkamah di bawah subseksyen itu hendaklah disifatkan telah dipatuhi jika butir-butir perintah itu telah dimasukkan ke dalam pangkalan data yang disenggarakan oleh atau bagi pihak Ketua Pengarah mengenai lesen memandu yang diberikan di bawah Akta ini dan pemegang lesen memandu itu.

(5B) Walau apa pun subseksyen (5A), Pengarah boleh mengarahkan orang yang disebut dalam subseksyen (5) supaya menyerahkan dalam tempoh yang ditentukan oleh Pengarah, kad atau peranti elektronik pelbagai guna yang di dalamnya lesen memandu itu terkandung kepada Pengarah itu, atau kepada seorang pegawai pengangkutan jalan yang diberi kuasa secara bertulis bagi maksud itu oleh Ketua Pengarah, untuk dimasukkan ke dalam data yang tersimpan di dalam kad atau peranti itu butir-butir perintah yang dibuat oleh mahkamah di bawah subseksyen (5), dan Pengarah atau pegawai yang diberi kuasa itu hendaklah, selepas membuat pemasukan itu, dengan serta-merta mengembalikan kad atau peranti itu kepada orang itu.”.

Pindaan seksyen 56

16. Seksyen 56 Akta ibu dipinda—

- (a) dalam subseksyen (2), dengan menggantikan perkataan “mengeluarkan” dengan perkataan “memberikan”; dan
- (b) dengan memasukkan selepas subseksyen (3) subseksyen yang berikut:

“(3A) Tertakluk kepada subseksyen (2) dan (3), pendaftar berlesen hendaklah mengeluarkan suatu lesen vokasional dalam bentuk yang ditetapkan kepada pemohon apabila dibayar fi yang ditetapkan.”.

Pindaan seksyen 58

17. Subseksyen 58(2) Akta ibu dipinda dengan menggantikan tanda noktah di hujung subseksyen itu dengan noktah bertindih dan memasukkan di bawah subseksyen itu proviso yang berikut:

“Dengan syarat bahawa tiada seorang pun boleh disabitkan atas suatu kesalahan terhadap seksyen ini disebabkan oleh kegagalannya untuk mengemukakan lesen memandunya yang terkandung di dalam kad atau peranti elektronik pelbagai guna kerana kad atau peranti itu disimpan oleh mana-mana orang yang diberi kuasa untuk menyimpannya di bawah mana-mana undang-undang bertulis.”.

Pindaan Bahagian IIA

18. Bahagian IIA Akta ibu dipinda dengan memasukkan selepas seksyen 66D seksyen yang berikut:

“Pengiktirafan perakuan pemeriksaan negara lain. 66DA. Sesuatu perakuan pemeriksaan yang dikeluarkan di bawah peruntukan yang bersamaan dalam mana-mana undang-undang yang berkuat kuasa di mana-mana negara yang menjadi pihak kepada sesuatu triti yang kepadanya Malaysia juga menjadi pihak dan berupa sebagai mengiktiraf perakuan pemeriksaan domestik yang dikeluarkan oleh negara-negara pejanji hendaklah, selagi perakuan sedemikian masih berkuat kuasa di negara itu, disifatkan sebagai perakuan pemeriksaan yang diberikan di bawah Bahagian ini.”.

Pindaan seksyen 120

19. Seksyen 120 Akta ibu dipinda dengan menggantikan subseksyen (3) dengan subseksyen yang berikut:

“(3) Dalam seksyen ini “pihak berkuasa yang berkenaan” ertinya pihak berkuasa tempatan yang diisytiharkan sebagai pihak berkuasa yang berkenaan di bawah perenggan (a), atau pihak berkuasa tempatan yang dinyatakan dalam perenggan (b), dalam takrif “pihak berkuasa yang berkenaan” dalam seksyen 67.”.

Pindaan seksyen 126

20. Subseksyen 126(1) Akta ibu dipinda dengan memasukkan selepas perkataan “memberikuasa” perkataan “, melalui pemberitahuan yang disiarkan dalam *Warta*,”.